

說  
文  
引  
經  
考

說文引經考

長洲程際盛東冶纂

周禮

六卿天官冢宰地官司徒春官宗伯夏官司馬秋官司  
寇冬官司空卯部周禮天官冢宰地官司徒春官宗伯  
夏官司馬秋官司寇冬官考工記

距國五百里爲都

邑部

天官冢宰以九賦斂財賄注四

郊去國百里邦都五百里又秋官縣士掌野鄭司農注

距王城四百里以外至五百里曰都

距國百里爲郊

邑部

肔 肔 肉部 庖人夏行肔肔膳膏臊

膳膏臊 魚部 庖人膳膏臊

牛夜鳴則庖 广部 內饗同

按又見禮記引經考

廪判 肉部 內饗凡掌其羞修刑廪判骨鱠以待其膳又

腊人薦脯廪胖注鄭大夫云胖讀爲判

按有司徹注云廪讀爲俾剝魚時割其腹以爲大臠

可用祭也

春獻王鮓 魚部 獻人同

籍魚鼈 手部 鼈人以時籍魚鼈

按繫傳引作春秋國語

昔乾肉

日部

腊人掌乾肉

按張參五經文字云說文作𦵿石經作昔此字本是腊字後加作腊以此爲古昔字

牛宜稌

禾部

食醫同

春時有瘡首疾

疒部

疾醫同

劓殺之齊

刀部

瘍醫同

醫酒

酉部

酒正辨四飲之物一曰清二曰醫三曰漿四

曰醕又天官漿人掌共王之六飲水漿醴涼醫醕八於

酒府注醫鄭氏以爲梅漿

按鄭注醫之字从毆从酉省也考文當云从毆从酒省說文毆病聲酒所以治病也

饋食之籩其實乾稊艸部籩人饋食之籩其實棗栗桃

乾稊榛實

監醢血部醢人其實韭菹監醢昌本麋麇又儀禮公食

大夫禮醢醢昌本

按本作監今文作醢釋文本又作監說文引以為禮

記又見儀禮引經考

蜺醢虫部醢人同

莛菹艸部醢人加豆之實芹菹

按周禮注疏汲古閣本引說文作近俗刻之誤也釋文引說文作蒞

幘人巾部冪人掌共巾冪

按冪莫歷切周禮注共巾可以覆物

設桎桓再重木部掌舍同

按說文桓行馬也周禮注故書桓爲柜鄭司農云柜受居溜水凍橐者也凍橐不可解賈氏不能疏似卽重靄杜子春讀爲桎桓桓謂行馬後鄭从之與說文解同

天子舄熊虎豹服猛也諸侯舄熊豕虎太舄麋麋舄

也士旡鹿豕爲田除害也其視曰毋若不寧侯不朝于王所故伉而旡汝也 矢部 司裘王大射則其虎侯熊侯豹侯諸侯則其熊侯豹侯卿大夫則其麋侯又考工記梓人爲侯祭侯之禮其辭曰惟若寧侯毋若女不寧侯不屬於王所抗而射女

按儀禮鄉射禮凡侯天子熊侯白質諸侯麋侯赤質大夫布侯畫以虎豹士布侯畫以鹿豕又白虎通引禮含文嘉曰天子射熊諸侯射麋大夫射虎豹士射鹿豕又大戴禮投壺篇嗟爾不寧侯爲爾不朝于王所故亢而射女文多互異

王后之服褱衣

衣部

內司服掌王后之六服褱衣

二十五家爲社各樹其土所宜之木

木部

地官大司徒

各以其野之所宜木遂以名其社與其野

按繫傳無之字

賦

虎部

大司徒以刑敎中則民不䟽又司䟽

五家爲比五比爲閭閭侶也二十五家相羣侶也

門部

大司徒五家爲比使之相保五比爲閭使之相受注杜

子春云閭二十五家也

五人爲伍五伍爲兩

金部

小司徒同

九夫爲井四井爲邑四邑爲州

土部

小司徒同



設其楅衡角部封人凡祭祀飾其牛牲設其楅衡

按說文引以爲詩

六鼓鼙鼓八面靈鼓六面路鼓四面鼗鼓皐鼓晉鼓皆

兩面

鼓部

鼓人掌教六鼓以雷鼓鼓神祀以靈鼓鼓社

祭以路鼓鼓鬼享以鼗鼓鼓軍事以鼙鼓鼓役事以晉

鼓鼓金奏注雷鼓八面鼓也靈鼓六面鼓也路鼓四面

鼓也大鼓謂之鼗長八尺鼙鼓長丈二尺晉鼓長六尺

六寸

昏鼓四通爲大鼓夜半三通爲戒晨旦明五通爲發明

豈部

鼓人注司馬法曰昏鼓四通爲大鼙夜半三通爲

晨戒旦明五通爲發眡

按釋文眡本又作眡亦作煦

羽樂舞執全羽以祀社稷

羽部

舞師教帔舞帥而舞社

稷之祭祀

望樂舞以羽翬自翳其首以祀星辰

羽部

舞師教皇舞

帥而舞旱暵之事

按鄭司農云皇舞蒙羽舞書或爲翬

供盆簋以待事

竹部

牛人凡祭祀其其牛牲之互與其

盆簠以待事

按互一作牙劉音護徐音牙似乎與互通周禮注謂

互若令屠家縣肉格也

任郇地

邑部

載師以家邑之田任稍地

按天官太宰四曰家削之賦注家削三百里家削削亦作稍又作郇所教反

五十里有市市有館館有積以待朝聘之客

食部

遺人

掌郊里之委積以待賓客又五十里有市市有候館候館有積

楊而書之

木部

泉府物楊而書之又秋官職金楊而璽

之

按說文引作春秋傳

守國者用玉下守都鄙者用角下使山邦者用虎下土  
邦者用人下澤邦者用龍下門闕者用符下貨賄用璽  
下道路用旌下下部掌節守邦國者用玉節守都鄙者  
用角節凡邦國之使節山國用虎節土國用人節澤國  
用龍節皆金也以英蕩輔之門闕用符節貨賄用璽節  
道路用旌節皆有期以反節秋官小行人達天下之六  
節山國用虎節土國用人節澤國用龍節皆以金爲之  
道路用旌節門闕用符節都鄙用管節皆以竹爲之

按地官秋官各有異同又周禮山國土國澤國國皆  
作邦似邦國古通用漢高祖諱邦亦或作國又周語

注韋昭說山國用虎節土國用人節澤國用龍節皆以金爲之道路用旌節門闕用符節都鄙用管節皆用竹爲之

五家爲鄰

邑部

遂人同

按漢書敘傳東以虐而殲仁兮以古鄰字

百家爲鄣

邑部

遂人四里爲鄣

五鄣爲鄙

邑部

遂人同

以興耜利萌

耒部

遂人以興耜利甿

麓守山林吏

林部

林衡掌巡林麓之禁令而平其守

按釋文引作林禁玉篇禁古麓字

卅人石部卅人同卅音礦

宮中之寗食一部槁人掌其外內朝寗食者之食

按說文引以爲書

以槁燎祠司中司命木部春官大宗伯同祠作祀

按釋文槁本亦作槁

副辜祭刀部大宗伯以鬴辜祭四方

諸侯秋朝日覲覲部大宗伯秋見日覲

按又見禮記引經考

公執桓圭九寸侯執信圭伯執躬圭皆七寸子執穀璧  
男執蒲璧皆五寸以封諸侯圭部大宗伯公執桓圭侯

執信圭伯執躬圭子執穀璧男執蒲璧又典瑞同又秋  
官大行人上公之禮執桓圭九寸諸侯之禮執信圭七  
寸諸伯執躬圭諸子執穀璧五寸諸男執蒲璧

按周禮大宗伯注桓圭長九寸信圭躬圭長七寸穀  
璧蒲璧皆徑五寸

兆五帝于四郊

土部

小宗伯兆五帝于四郊注兆爲壇

之營域

六彝雞彝鳥彝黃彝虎彝蜚彝斚彝以待裸將之禮

系

部小宗伯辨六彝之名物以待果將又司尊彝春祠夏

禴祼用雞彝鳥彝秋嘗冬烝祼用斚彝黃彝凡四時之

間祀追享朝享祿用虎彝雉彝

按周禮注六彝雞彝鳥彝斚彝黃彝虎彝雉彝果讀  
爲裸

六尊犧尊象尊著尊壺尊太尊山尊以待祭祀賓客之  
禮酋部小宗伯辯六尊之名物以待祭祀賓客又司尊  
彝其朝踐用兩獻尊其再獻用兩象尊其朝獻用兩著  
尊其饋獻用兩壺尊其朝踐用兩大尊其再獻用兩山  
尊

按周禮注六尊獻尊象尊壺尊著尊大尊山尊又按  
釋文兩獻本或作獻注作犧同



𡩺人 𡩺部 𡩺人同

𡩺𡩺 𡩺部 𡩺人和𡩺𡩺

𡩺以𡩺釀𡩺艸 𡩺部 𡩺人掌其𡩺𡩺

天子諸侯席有黼黻純飾 巾部 司几筵玉位設黼依依  
前南鄉設莞筵紛純加皀席畫純加次席黼純

按釋文藻本又作皀

五几玉几雕几彤几髹几素几 几部 司几筵掌五几王

左右玉几諸侯右雕几筵國賓于牖前左彤几甸役則  
設熊席右漆几几喪事右素几

按說文漆木汁可以髹物漆几以漆髹几也漆是水

名當作纂

琢圭璧

玉部

典瑞琢圭璋璧琮縹皆二采一就玉人琢

圭璋

天子享先王卷龍繡于下幅

衣部

司服享先王則衮冕

按周禮注衮卷龍衣也

孤服鷩冕

鳥部

司服享先公饗射則鷩冕

大喪甫窆

穴部

家人大喪既有日請度甫窆

按周禮注鄭讀窆爲穿杜讀窆爲轟今南陽名穿地

爲窆聲如腐脆之辟釋文以辟字爲誤

及窆執斧

穴部

家人同

天神引出萬物地祇提出萬物示部大司樂樂六變則

天神皆降樂八變則地示皆出

按漢書郊祀志祭墜祇同示

大傀異人部大司樂同

按繫傳作大傀異災釋文傀引說文以爲傀偉之字  
解

詔來鼓臯舞卒部樂師詔來瞽臯舞

按鄭司農云瞽當爲鼓臯當爲告呼擊鼓者又告當  
舞者持鼓與舞俱來也鼓字或作瞽詔來瞽或曰來  
敕也敕爾瞽率爾衆工又按繫傳未引

宮商角徵羽聲也絲竹金石匏土革木音也音部大師

皆文之以五聲宮商角徵羽皆播之以八音金石土革

絲木匏竹

輶擊小鼓

申部

大師令奏鼓輶

按周禮注引詩有瞽篇應輶縣鼓

翹婁四夷之舞

禿部

鞀鞀氏掌四夷之樂

按玉篇鞀作翹

以明火熬焦也

火部

董氏凡卜以明火熬焦

按杜讀爲細目焦之焦細目焦公彥不能疏土喪禮

注焦炬也所以燃火者也釋文董氏本又作董

遂齋其煖大部華氏凡卜以明火蒸煖遂飲其煖契以

授卜師

按鄭元謂煖讀如鑄以契柱煖火而吹之也士喪禮

曰楚煇置於煖卽煖契也又按士喪禮注引此遂作

燧飲作灼

以日月星辰占六寢之吉凶一曰正寢二曰噩寢三曰

思寢四曰悟寢五曰喜寢六曰懼寢寢部占夢以日月

星辰占六夢之吉凶一曰正夢二曰噩夢三曰思夢四

曰寤夢五曰喜夢六曰懼夢

按釋文夢本作寢寢本又作噩杜子春云噩當爲驚

愕之愕又繫傳作三曰驚夢十一經問對驚夢者殷  
人夢書又列子夢有六候與占夢同噩作蘊

六回 擣祭

贈之祝號

八者之辭皆所以告神明也

按漢書五行志劉屈氂復坐祝禱上官后傳祝禱後

官皆古詛字

祭祀其廩室

閏月正居門中終月也

駝車大幣

也以爲蔽者

孤乘夏輶

車部

巾車孤乘夏篆

按夏輶周禮注一作夏緣音相近也一說輶與輶同

見禮記

竹木之車曰棧

木部

巾車士乘棧車又輿人棧車欲弇

通帛爲旂

旂部

司常通帛爲旛

按劉熙釋名旂戰也三孤所建象無事也熊虎爲旂  
軍將所建象其猛如虎與衆期其下也旗譽也軍吏  
所建急疾趨事則有稱譽也龜蛇爲旐旐兆也龜知  
氣兆之吉凶建之於後察度事宜之形兆也與說文

解互異

旗畫鳥其上

於部

司常鳥隼爲旗

按又見爾雅引經考

旐龜蛇四游

於部

司常龜蛇爲旐

旂載全羽以爲允

於部

司常全羽爲旂

旌析羽注旌首

於部

司常析羽爲旌

按又見爾雅引經考

率都建旗

於部

司常師都建旗

州里建旗

於部

司常同

縣鄙建旐

於部

司常同



旄導軍

於部

司常道車載旄

游車載旌

於部

司常旂車載旌

二千五百人爲師

市部

夏官大司馬二千有五百人爲

師

軍之五百人爲旅

於部

大司馬五百人爲旅

卒長執鐃

金部

大司馬同

兩司馬執鐸

金部

大司馬同

司馬執兩鐃

金部

大司馬公司馬執鐃

獲者取左耳

又部

大司馬同

勳能成王功

力部

司勳王功曰勳

司燿掌行火之政令

火部

司燿同

逐疫有顛頭

頁部

方相氏註以驚毆疫癘之鬼如今魃

頭也

六弓王弓弧弓以射甲革甚質夾弓庾弓以射干侯鳥  
獸唐弓大弓以授學射者

弓部

司弓矢掌六弓四弩八

矢之灋王弓弧弓以授射甲革樞質者夾弓庾弓以授  
射干侯鳥獸者唐弓大弓以授學射者

按釋文庾弓師儒相傳讀庚本或作庾

仲秋獻矢熊

竹部

司弓矢同

四弩夾弩庾弩唐弩大弩

弓部

司弓矢凡弩夾庾利攻

守唐大利車戰野戰

範較

車部

大馭犯較

按說文出將有事於道必先告其神立壇四通樹茅以依神爲較旣祭較轡於牲而行爲範較又範讀與犯同周禮注行山曰較犯之者封土爲山象以菩芻棘柏爲神主旣祭之以車轡之而去

馬有二百十四匹爲廐廐有僕夫

广部

校人六繫爲廐

廐一僕夫注自乘至廐其數二百一十六匹易乾爲馬此應乾之策也

按繫傳謂此二百十四傳寫誤也

馬七尺爲騾馬八尺爲龍馬部 廋人馬八尺以上爲龍  
七尺以上爲騾

按又見爾雅引經考

馬高六尺爲驕馬部 廋人六尺以上爲馬

夏庠馬广部 圉師同

圉人车部 圉人同

九州之藪揚州具區荊州雲夢豫州圃田青州孟諸沅  
州大野雍州沔蒲幽州奚養冀州楊紆并州昭餘祁  
部職方氏東南曰揚州其澤藪曰具區正南曰荊州其  
澤藪曰雲曹河南曰豫州其澤藪曰圃田正東曰青州

其澤藪曰望諸河東曰兗州其澤藪曰大野正西曰雍州其澤藪曰苙蒲東北曰幽州其澤藪曰奚養河內曰冀州其澤藪曰揚紆正北曰并州其澤藪曰昭餘祁按漢書青州藪曰孟諸兗州藪曰泰壘師古曰孟諸卽盟豬泰壘卽大野風俗通引兗州曰大野冀州曰泰陸又按禹貢無幽并營爾雅有徐幽營而無青梁并職方有青幽并而無徐梁營三代不同之故也又逸周書苙蒲作彊蒲又見爾雅引經考

涇水雒州川澍水卽漚夷水并州川水部職方氏雍州其川涇汭并州其川虋池漚夷

按禮記有事於惡池注云惡當爲呼聲之誤也呼池

嘔夷并州川

揚州浸有五湖潞水荊州浸潁水豫州浸湛水豫章浸  
沂水青州浸沭水青州浸濰水徐州浸渭水雒州浸洛  
水雒州浸汾水冀州浸潞冀州浸涑水并州浸水部職  
方氏揚州其浸五湖荊州其浸潁湛豫州其浸波潞青  
州其浸沂沭兗州其浸盧維雍州其浸渭洛冀州其浸  
汾潞并州其浸涑易

按地里志以潁爲荊州浸以渭亦爲雒州浸又說文  
洛無雒州浸三字繫傳洛注有雒州浸三字又鄭注

春秋傳楚子除道梁澨則澨宜屬荊州又地里志澨

曰五湖古浸字釋文本又作寢又逸周書潞作露

議能之辟

國部秋官小司寇同

國有疑則盟諸侯再相與會十二歲一盟北面詔天之

司慎司命盟殺牲軟血朱盤玉敦以立牛耳

國部司盟

凡邦國有疑會同則掌其盟約之載及其禮儀北面詔

明神既盟則貳之又天官玉府若合諸侯則共珠槃玉

敦夏官戎右則盟以玉敦辟盟遂役之贊牛耳桃茢

其奴男子入于皐隸女子入于春藁

女部

司厲同

上皐梏桼而桼

手部

掌囚上罪梏桼而桼

舟輿輦互者

車部

野廬氏凡道路之舟車輦互者敘而

行之

蜡氏掌除𧈧

虫部

蜡氏同

按釋文𧈧𧈧皆同𧈧又作𧈧

燿取火於日

火部

司烜氏掌以夫遂取明火於日

按周禮注陽遂也

陽鑒

金部

鑑諸可以取明水於月

金部

司烜氏以鑒取明水於月

砮蒺氏

石部

砮蒺氏同

赤魃氏

鬼部

赤魃氏掌除牆屋



立當前軌

車部

大行人立當前疾

按鄭司農注前疾謂駟馬車轅前胡下垂挂地者又按論語邢昺疏鄉黨引周禮作前侯云侯伯立當前侯胡下又小雅蓼蕭章孔疏引大行人亦作前侯六經正誤案車上無名疾者說文軌車軾前也从車凡聲音範疑此近是周官前軌作前侯俗誤爲前疾當依說文定作軌

六幣圭以馬璋以皮璧以帛琮以錦琥以繡璜以黼

玉

部

小行人同

諸侯有卿訝

言部

掌訝凡賓客諸侯有卿訝

按說文迓字云訝或从辵則訓迎之字以訝爲正迓則重文

鵠鵠不踰沛鳥部冬官鵠鵠不踰濟

按釋文作鵠公羊傳同本又作鵠左傳同又見山海經引經考

石有時而泐水部冬官石有時以泐

搏埴之工瓦部冬官搏埴之工二

柔皮之工鮑氏革部冬官攻皮之工函鮑鞞韋裘

按說文鞞卽鮑也鞞作鮑見墨子又周禮注云書或爲鞞蒼頡篇有鞞堯釋文鞞本或作鞞同

戰長丈六尺

戈部

冬官車戰常崇于戈四尸

按周禮疏戈長丈二而云車戰崇于戈四尺則丈二之外有四尺總丈六尺

加軫與轆焉

車部

冬官同

輻欲其掣

手部

輪人望其輻欲其掣爾而纖也

按繫傳有爾字

望其轂欲其輶

車部

輪人望其轂欲其眼也

稹理而堅

禾部

輪人同

轂雖弊不斂

艸部

輪人弊作敝

燋牙外不嫌

火部

輪人凡揉牙外不廉而內不挫

參分軹圍去一以爲鞬圍車部輿人鞬作鞬

輶蓋弓車部輶人蓋弓二十有八

熊旗五游以象罰星於部輶人熊旗六旂以象伐也

龜蛇四游以象營室於部輶人游作旂

重三銑金部冶氏同

鍾兩角謂之銑金部鳧氏爲鍾兩樂謂之銑

按釋文樂本又作鸞

鞬攻皮治鼓工革部鞬人爲皐鼓

按說文鞬或從韋周禮注鞬書或爲鞬

青東方色青部畫績之事東方謂之青

赤南方色

赤部

畫績之事南方謂之赤

白西方色

白部

畫績之事西方謂之白

黼白與黑相次

黼部

畫績之事白與黑謂之黼

黻黑與青相次

黻部

畫績之事黑與青謂之黻

繡五采備也

糸部

畫績之事五采備謂之繡

三染謂之纁

糸部

鍾氏三八爲纁

幌設色之工治絲練者

巾部

幌氏凍絲凍帛

以浼漚其絲

水部

幌氏以浼水漚其絲

天子執瑁四寸

玉部

玉人同瑁作冒

天子用全純玉也上公用駝四玉一石侯用瓚伯用埴

玉石半相埒也

玉部

玉人天子用全上公用龍侯用瓚

伯用將

按鄭元注謂全純玉也又說文作埒玉人作將似誤埒爲將然釋文亦作將注如字劉音陽宋本羣經音辨鄭衆亦作將音陽蓋許氏之說本於賈逵逵作周官解詁許氏从之受學故說文多依其說

純玉曰全

入部

大圭長三尺抒上終葵首

玉部

玉人同抒作抒

終葵

木部

瑒圭尺二寸有瓚以祠宗廟者也

玉部

玉人裸圭尺有

二寸有瓚以祀廟

按釋文裸裸果皆同

鬲鼎屬實五穀鬲部陶人鬲實五穀

蜎黿詹諸以脰鳴者虫部梓人以脰鳴者

虺以注鳴虫部梓人以注鳴者

榮蜎蛇醫以注鳴者虫部

蟬以旁鳴者虫部梓人以旁鳴者

螭蝗以翼鳴者虫部梓人以翼鳴者

蝻蝻以股鳴者虫部梓人以股鳴者

蟪大龜以胃鳴者虫部梓人以胃鳴者

按釋文胷鳴本亦作骨又作胷賈馬作胃劉本作胷  
音鹵賈逵作周官解詁許故从賈本作胃

數目顧脰頁部梓人同

作其鱗之而而部梓人同

按繫傳未引

觶受三升者謂之觶角部梓人觶三升

按釋文觶依注作觶又鄭氏據韓詩以爲觶當作觶

纒寸糸部梓人出舌尋纒寸焉

及以積竹八觶長丈二尺建於兵車旅賁以先驅及部

廬人及長尋有四尺



曾子建於兵車長二丈矛部廬人曾子常有四尺夷矛

三尋

句兵欲無憊人部廬人凡兵句兵欲無彈

久諸牆以觀其撓久部廬人灸諸牆以眠其撓之均也

按士喪禮云冪用疏久之注云久讀爲灸旣夕云木

析久之注云久當爲灸釋文云灸音救是久爲古文

灸爲今文也灸从火久聲古文省火

度堂以筵竹部匠人堂上度以筵

廟門容大鼎七箇鼎部匠人廟門容大扃七个

按繫傳未引又按說文云卽易玉鉉大吉也又按易

謂之鉉禮謂之甬今禮作局考儀禮抽局鄭注今文局爲鉉

匠人爲溝洫耜廣五寸二耜爲耦一耦之伐廣尺深尺謂之々倍々謂之遂倍遂曰溝倍溝曰洫倍洫曰々々部匠人爲溝洫耜廣五寸二耜爲耦一耦之伐廣尺深尺謂之畎田首倍之廣二尺深二尺謂之遂九夫爲井井間廣四尺深四尺謂之溝方十里爲成成間廣八尺深八尺謂之洫方百里爲同同間廣二尋深二仞謂之澮

按釋文畎與畎同古今字隧音遂本又作遂

言 未廣五寸爲伐二伐爲耦 未部 匠人見上

方百里爲畝廣二尋深二仞 畝部 匠人見上

溝水瀆廣四尺深四尺 水部 匠人井間廣四尺深四尺

謂之溝

十里爲成成間廣八尺深八尺謂之洫 水部 匠人同見

上

求三斛 斗部 弓人漆三斛

按斛俗作庾又按古漆字作漆與求字相類故太元

經運諸漆政同七

往體寡來體多曰弧 弓部 弓人往體寡來體多謂之王

弓之屬

五歲一禘

示部

按貴輿馬氏曰三年一祫五年一禘經無其文蓋緯書之說又按禮稽命徵三年一祫五年一禘經紀所論禘祫與禴祭其言鮮矣按惠氏曰禘有三大禘吉禘時禘也皆配天之祭禘其祖之所自出也禘皆在明堂大廟以祖考配五帝帝卽天也故鄭氏有六天之說

三歲一祫

示部

郊宗石室

示部

按當是周禮說五經異義有郊宗石室之文引古春秋左氏說又毛奇齡曰見通典博士徐禪議按今左傳無此文豈左傳亦有遺句耶

說文引經考

長洲程際盛東冶纂

儀禮

晰明行事

日部

士冠禮質明行事

爵弁服其色黹賤不得與裳同裳纁色

市部

士冠禮爵

弁服纁裳純衣緇帶黹鞞

栖匕也

木部

士冠禮角栖

按說文禮有栖又按栖六寸匕也以角爲之令滑澤

此古人吉凶常用

醵主人進客

酉部

士冠禮主人酬賓

醺冠娶禮祭

酉部

士冠禮醺用酒

周曰兗殷曰暘夏曰收

見部

士冠禮周弁殷暘夏收

按釋文作暘又見禮記郊特牲引經考

娶婦以昏時婦人陰也

女部

士昏禮注曰士娶妻之禮

以昏爲期因而名焉必以昏者取其陽往而陰來

按六經正誤昏一本作婚者婚禮用昏故經典多止

作昏字

麗皮納聘

鹿部

士昏禮納徵元纁束帛儷皮如納吉禮

按儷皮兩鹿皮也古文儷爲離說文云麗旅行也从

鹿麗聲譙周古史考云伏羲制嫁娶以儷皮爲禮古

文作離者易離彖云離者麗也禮月令云宿離不貸  
注云離讀如儷偶之儷兩鹿皮者士昏禮注云麗兩  
也春秋傳云鳥獸猶不失儷是儷爲兩也又白虎通  
引作離皮

一人洗舉觶

角部

鄉飲酒禮一人洗升舉觶于賓又鄉

射禮一人洗舉觶于賓

鄉飲酒有豐侯者

豐部

鄉射禮命弟子設豐

按儀禮注豐形蓋似豆而卑說文豐豆之豐滿者也

二百四十斤爲秉四秉曰筥十筥曰稷十稷曰秬四百

秉爲一秬

禾部

聘禮十簋曰秉二百四十斗四秉曰筥



十筭曰稷十稷曰秬四百秉爲一秬

按儀禮注秉十六斛二百四十斗注謂一車之米秉有五簋四秉曰筭注此秉謂刈禾盈手之秉也說文斗似誤爲斤又說文引作周禮

盥醢

血部

公食大夫禮醢醢昌本

按又見周禮引經考

鉶毛牛藿羊芡豕薇

艸部

公食大夫禮鉶毛牛藿羊芡

豕薇皆有滑

按儀禮注今文苦爲芡又士虞禮鉶毛用苦注古文苦爲枯今文或作芡釋文作鉶

女子髻衰弟則不髻髻部喪服女子在室爲父髻衰三

年又喪服小記男子免而婦人髻

塲不成人也人年十九至十六死爲長塲十五至十二

死爲中塲十一至八歲死爲下塲歹部喪服傳塲未成

人也年十九至十六爲長塲十五至十二爲中塲十一

至八歲爲下塲

祛尺二寸衣部喪服同

按又見禮記引經考

布刷巾刀部士喪禮布巾環幅不鑿

三年導服谷部士虞禮中月而禪

言方引經未  
按儀禮注古文禫或爲導據此三年導服謂二十七  
月禫祭名也又喪大記禫而內無哭者注禫或皆作  
道

三年導服

木部

說文引經考

長洲程際盛東治纂

禮記

鸛鵒能言 鳥部 曲禮鸛鵒能言不離飛鳥

按釋文嬰本或作鸛母本或作鵒

七十曰老 老部 曲禮同

年八十曰耄 老部 曲禮八十曰耄

按釋文旄本又作耄同本或作八十曰耄九十曰旄

後人妄加之

年九十曰耄 老部

說文曲禮  
按藁今作耄注見敘例

笑不壞顏曰𦣻欠部曲禮笑不至矧

按張有復古編曰𦣻古𦣻字釋文云矧本又作𦣻

諸侯秋朝曰覲見部曲禮諸侯北面而見天子曰覲

按禮記注秋見曰覲又見周禮引經考

牛羊曰肥豕曰𦣻肉部曲禮豚曰𦣻肥

按釋文𦣻本或作豚又見左傳引經考

以丹雞祝曰以斯翰音鳥部曲禮雞曰翰音

犬名羹獻犬部曲禮犬曰羹獻

𦣻臧也鹵部曲禮鹽曰臧𦣻

按釋文鹹本又作醎

大夫死曰卒

步部

曲禮大夫曰卒

按又見公羊引經考

狐死則丘首

犬部

檀弓狐死正丘首

夏后殯於阼階殷人殯於兩楹之間周人殯於賓階

步

部

檀弓夏后氏殯於東階之上則猶在阼也殷人殯於

兩楹之間則與賓主夾之也周人殯於西階之上則猶  
賓之也

按釋文夾本又作挾史記作夏人殯於東階周人於  
西階殷人兩柱間

耐後死者合食於先祖元部檀弓耐於祖父

天子饗飲辟廱广部王制天子曰辟廱

泮諸侯鄉射之宮水部王制諸侯曰頤宮

禡於所征之地元部王制同

按說文作周禮

南方蠻閩北方狄東方貉西方羌羊部王制東方曰夷

南方曰蠻西方曰戎北方曰狄

造上士也元部王制曰造士

掩骼埋胔骨部月令掩骼埋胔

按呂氏春秋作羸豭又周禮蜡氏引禮亦作掩骼埋

齒釋文齒亦作𪔐又按月令數條許氏本稱明堂月  
令或云別爲一書非今之月令然明堂位疏引蔡邕  
明堂月令章句邕所注卽今之月令也又隋史牛宏  
傳云明堂月令者呂不韋著今書正呂書之首章又  
釋文月令此是呂氏春秋十二紀之首後人刪合爲  
此記又按月令鄭注云今俗人皆云周公作月令  
元鳥至之日祠于高禘以請子乙部月令元鳥至至之  
日以太牢祠於高禘天子親往

按毛詩傳作祀于郊禘後漢書志注引月令元鳥至  
之日以太牢祠



仲春之月祠不用犧牲用圭璧及皮幣

示部

月令是月

也祀不用犧牲用圭璧更皮幣

虹始見

虫部

月令同

磔禴祀

示部

月令九門磔攘

按釋文禴本又作攘

霖雨

雨部

月令淫雨

按月令淫雨早降鄭康成曰今月令作衆雨呂覽作

淫雨蓋霖卽衆衆卽淫古聲衆淫相近

靡草

耳部

月令靡草死

孟秋天子飲酎

酉部

月令是月也天子飲酎

按月令孟夏之月鄭註云酎之言醇也謂重釀之酒也春酒至此始成高誘呂覽註云酎春醞也詩云爲此春酒以介眉壽而說文引爲孟秋按後漢禮儀志八月飲酎丁孚漢儀曰以正月旦作至八月成名酎酒

八月黍成可爲酎酒

酉部

麋夏至解其角

鹿部

月令是月也日長至又鹿角解

腐艸爲蠹

虫部

月令腐草爲螢

按呂氏春秋腐草化爲蜋釋文熒本又作螢

舫人

舟部

月令命漁師伐蛟鄭註今月令漁師爲榜人

按上林賦張揖註引月令命榜人釋文作榜人

季夏燒薶艸部月令燒薶行水

雉入海化為蜃虫部月令雉入大水為蜃

大酋酋部月令乃命大酋

麋冬至解其角鹿部月令是月也日短至麋角解

雉鳴而鴈其頸隹部月令雉雊

歲將饑終人部月令數將幾終歲且更始

按歲繫傳作數周官占夢註亦作數又逸周書且字

亦作將

翼天子八諸侯六大夫四士二羽部禮器天子八翼諸

侯六娶大夫四娶

按娶鄭衆引作娶

周曰覓殷曰𠬞夏曰收

見部

郊特牲周弁殷舁夏收

按說文覓冕也从兒象形又籀文覓从𠬞上象形令  
隸變作弁者从籀省也又重文𠬞字云或覓字此卽  
今隸變作卞者也漢成紀贊卞射武戲應劭曰卞射  
皮卞而射則弁轉爲卞也尚書大卞卽大弁也又按  
白虎通引禮士冠經曰周弁殷𠬞夏收獨斷周曰爵  
弁殷曰𠬞夏曰收又六經正誤𠬞作𠬞誤上从日曰  
音冒不从日也

釀酒濁而微清酉部郊特牲釀酒浼于清

問疋何止疋部內則奉席請何趾

榼果似梨而酢木部內則祖梨曰攢之

按釋文攢本又作鑽又見爾雅引經考

牛夜鳴則膺广部內則同

按又見周禮引經考

膾細切肉肉部內則肉腥細者爲膾

按釋文腥字林作胜

男子顰革婦人顰絲巾部內則男顰革女顰絲

冕冠也遂延坐塗紃目部續玉藻十有二旒前後遂延

按釋文延字林作紕

袪尺二寸

衣部

玉藻同

按又見儀禮引經考

以絮曰襦以緼曰袍

衣部

玉藻續爲繭緼爲袍

天子朱市諸侯赤市大夫葱衡

市部

玉藻鞞君朱大夫

素士爵韋

鞞下廣二尺上廣一尺其頸五寸一命緼鞞再命赤鞞

韋部

玉藻鞞下廣二尺上廣一尺長三尺其頸五寸肩

革帶博二寸一命緼鞞幽衡再命赤鞞幽衡三命赤鞞

葱衡

詒詒

言部

玉藻言容詒詒

夏曰琖殷曰斚周曰爵

斗部

明堂位爵夏后氏以琖殷

以斚周以爵

夏曰琖殷曰斚周曰爵

玉部

磬樂石古者母句氏作磬

石部

明堂位叔之離磬註無

句作磬

按釋文句字又作劬

簠簋中簠古者女媧作簠

竹部

明堂位女媧之笙簠

尊壺者偃其鼻

人部

少儀作面

足以諉聞

言部

學記足以諉聞

控揭

支部

樂記鞀鼓控揭塙箎

鼓聲聲

鼓部

樂記鼓鞀之聲謹

周封黃帝之後於邾

邑部

樂記封黃帝之後於薊

按史記周本紀封黃帝之後於祝帝堯之後於薊樂  
書封黃帝之後於薊帝堯之後於祝呂氏春秋慎大  
覽封黃帝之後於鑄帝堯之後於黎鑄與祝聲相近  
黎與薊聲亦相近此與樂記互異又說文註从邑契  
聲讀若薊集韻邾通作薊

哭不悠

心部

雜記童子哭不偯

按釋文偯引說文作悠又見孝經引經考



崇燒柴燹燎以祭天神示部祭法燹柴於泰壇祭天也

按又見爾雅引經考

燹祭天也火部

雲山川氣雲部孔子閒居山川出雲

謀合二姓女部昏義將合二姓之好

潤澤以溫仁之方也玉部聘義溫潤而澤仁也

佩刀天子玉琕而珽珽玉部

按毛詩鞞琕有珽傳天子玉琕而珽珽諸侯盪琕而  
璆璆大夫鐻琕而鏐珽士珽琕而珽珽正義曰傳因  
琕璆歷道尊卑所用似有成文未知出何書也今許

氏引以爲禮蓋逸禮也又琫左傳桓二年藻率鞶鞿作鞶又集韻鞶與鞶同

佩刀諸侯盪琫而璆琕

玉部

佩刀士琕琫而玼琕

玉部

封諸侯以土蒞以白茅

艸部

按尚書厥貢惟土五色傳王者封五色土爲社建諸侯則各割其方色土與之使立社燾以黃土苴以白茅正義曰韓詩外傳蔡邕獨斷皆引之是必古書有此說故先儒之言皆同也又按逸周書作雒解將建諸侯鑿取其方一面之土燾以黃土苴以白茅今許

氏引以爲禮

天子樹松諸侯柏大夫欒士楊

木部

按周禮冢人疏春秋緯云天子墳高三仞樹以松諸侯半之樹以柏大夫八尺樹以藥草士四尺樹以槐庶人無墳樹以楊柳又按周禮唐賈公彥疏引之考春秋緯亦無是文白虎通引以爲含文嘉今許氏引以爲禮

天子赤墀

土部

按見今漢書注說文作禮記

知天文者冠鵲

鳥部

按說文作禮記又後漢輿服志引記曰知天文者冠  
述又一作逸周書又按蔡邕獨斷建華冠以鐵爲柱  
卷貫大珠九枚今以銅爲珠形制似縷籠記曰知天  
文者服之左傳曰鄭子臧好聚鵠冠前圖以爲此制  
是也天地五郊明堂月令舞者服之

剡上爲圭半圭爲璋

玉部

璧瑞玉圓也

玉部

璜半璧也

玉部

按白虎通珪博三寸剡上寸半厚半寸半珪爲璋方  
中圓外曰璧曰璜孔穎達曰逸禮記文

夢帝與我九齡

齒部

文王世子同

徐鉉引

按釋文聆本或作齡

賜君子小人不同日

異部

玉藻凡賜君子與小人不同

日徐鉉引

雩祭水旱

前部

祭法雩宗祭水旱也

徐鉉引

按鄭注宗皆當讀爲禋釋文宗讀爲禋

十目所見

匕部

大學十目所視

徐鉉引

按說文龜部天子巨龜尺有二寸諸侯尺大夫八寸  
士六寸艸部天子著九尺諸侯七尺大夫五尺士三  
尺今見禮三正記天子龜長一尺二寸諸侯一尺大

夫八寸士六寸天子著長九尺諸侯七尺大夫五尺  
士三尺